



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## საქართველო ენების საერთაშორისო ფესტივალზე მინსკში

1 აპრილს, ბელარუსის სახელმწიფო უნივერსიტეტის ფილოლოგიის ფაკულტეტზე, გაიმართა ქალაქ მინსკის ენების ფესტივალი, რომლის ფარგლებში, მსოფლიოს 60 ენაზე, წარმოდგენილი იყო მრავალფეროვანი ლექციები ლინგვისტურ თემატიკაზე. თითოეული ენის პრეზენტაციისთვის განკუთვნილ 45 წუთში, ლექტორი მსმენელებს აცნობდა მრავალფეროვანი ინფორმაციას. ქართული ენაზე ისაუბრა მზევინარ აკაბიამ - ურნალისტმა, თარჯიმანმა, ქართული ენის მასწავლებელმა. საქართველოს საელჩომ ლექციაზე წარმოადგინა ქართული ენის ბუკლეტები და დისკები.



## კიევში საქართველოსადმი მიძღვნილი ზეიმი გაიმართა

4 აპრილს, საქართველოს პირველი დემოკრატიული რესპუბლიკის დაარსების 100 წლის იუბილესადმი მიძღვნილი ღონისძიებების ფარგლებში, კიევის ქართული კულტურულ-საგანმანათლებლო ცენტრის „იბერიელის“ ორგანიზებით, საქართველოს საელჩოში გაიმართა პრეზენტაცია - „საქართველოს კუთხეები“, რომელზეც წარმოდგენილი იყო იმერეთი, კახეთი, აჭარა და სამეგრელო. ღონისძიების ფარგლებში, საგანმანათლებლო ცენტრის აღაზრდელები წარსდგნენ ქართული ცეკვებითა და სიმღერებით, ისაუბრეს აღნიშნული კუთხეების ისტორიაზე, ლიტერატურაზე, კულტურაზე და ტრადიციებზე.

ღონისძიებაზე მისასალმებელი სიტყვით გამოვიდა სრულიად უკრაინის საზოგადოებრივი გაერთიანება „გეორგიას“ პრეზიდენტი ბესიკ შამუგია.



## ქართული კულტურის საღამო ვაშინგტონში

5 აპრილს, ქ. ვაშინგტონში საქართველოს საელჩომ, დიასპორულ ორგანიზაცია „Georgian Center“ - „ქართული ცენტრთან“ პარტნიორობით, ქართული კულტურის საღამოს - „Experience Georgian Culture“ უმასპინძლა. შეკრებილ სტუმრებს აშშ-ში საქართველოს საელჩოს მრჩეველი სოფიო გეგეჭვორი მიესალმა.



ქართული კულტურის პოპულარიზაციის საქმეში გაწეული წვლილისთვის, „ქართული ცენტრის“ პრეზიდენტმა ვლად ბრეგვაძემ იმუშავდა აქტიური წევრები დააჯილდოვა. გაიმართა კონცერტი, რომლის პროგრამაც მრავალფეროვანი იყო - მათ მონროს და ვერონიკა მეტონიძის დადგმული ქართული ცეკვის ფლეშ-მობი, გიორგი ბითაძის კომედი-სკეტჩი, მამუკა გოგიაზრიძის მიერ შესრულებული ქართული ფოლკლორული მუსიკა გიტარაზე და სხვა. ღონისძიებებში აქტიურად იყვნენ ჩართული ცენტრის წევრები.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## შეხვედრა ქართველ მწერლებთან ზაარბრიუკენში

6 და 7 აპრილს, წიგნის ეროვნული ცენტრისა და ზაარბრიუკენის მერის შარლოტე ბრიცის ორგანიზებით, ჩატარდა ლიტერატურული საღამო, რომელზეც ქართველი ავტორები მიწვეულნი იყვნენ როგორც ფრანკფურტის წიგნის ბაზრობის საპატიო სტუმარი ქვეყნის წარმომადგენლები. მოქმედი ქართველი მწერლების დათო ტურაშვილის, ბესო ხვედელიძის, გიორგი ლობჟანიძისა და კატო ჯავახიშვილის ლიტერატურული ნამუშევრების განხილვა. საღამო მუსიკალურად გააფორმეს რობი კუხიანიძემ და მანანა მენაბდემ. საზეიმო ღონისძიებას ესწრებოდნენ ქართული დიასპორისა და ქ. მაინის ფრანკფურტში საქართველოს გენერალური საკონსულოს წარმომადგენლები.



## საქართველოს პარლამენტის წევრები ესტონეთში დიასპორის წარმომადგენლებს შეხვდნენ

11-14 აპრილს ტალინს სტუმრობდა საქართველოს პარლამენტის ესტონეთის რესპუბლიკის პარლამენტთან მეგობრობის ჯგუფი. ვიზიტის ბოლო დღეს, საქართველოს პარლამენტის წევრები ესტონეთში ქართული დიასპორული ასოციაციის, „ქართული სახლის“ წარმომადგენლებს შეხვდნენ. დიასპორულ ასოციაციაში 5 ქართული ორგანიზაცია და საკვირაო სკოლა „მზიურია“ გაერთიანებული. ასოციაციის წევრები არიან არა მარტო ტალინში, არამედ ესტონეთის სხვა რეგიონებში მცხოვრები ქართველებიც. ასოციაციის მიზანია, ხელი შეუწყოს ესტონეთში მყოფი ქართველების გაერთიანებას და მომავალ თაობაში ეროვნული თვითმყოფადობის შენარჩუნებას. ორგანიზაცია აქტიურად არის ჩართული ქართული კულტურის პოპულარიზაციაში და მონაწილეობს ადგილობრივ ღინისძიებებში.



შეხვედრის დროს გამოითქვა მოსაზრებები, თუ როგორ შეიძლება კიდევ უფრო გაუმჯობესდეს კავშირი საქართველოსა და დიასპორულ ორგანიზაციებს შორის. იმსჯელეს იმ მცირე ხარვეზების შესახებაც, რომელიც ჯერ კიდევ არსებობს ამ მიმართულებით. დასასრულს, მხარეები სამომავლო თანამშრომლობაზე შეთანხმდნენ, ხოლო ორგანიზაციის თავმჯდომარემ ზაზა წერეთელმა საპარლამენტო ჯგუფის ხელმძღვანელს ნინო წილოსანს სამახსოვროდ „ქართული სახლის“ დროშა გადასცა.

## ქართული ცეკვების წარმოდგენა ჯაზის აკომპანიმენტით მინსკის პოპულარულ კლუბში

12 აპრილს, ქ. მინსკში, შოუ - ბალეტის „ლელო“ და მისი პარტნიორების - ანდრეი სლავინსკის ჯაზის კოლექტივისა და ერთ-ერთ ცნობილი კლუბის „Republic“ ორგანიზებით, გაიმართა შემოქმედებითი საღამო, რომელზეც წარმოდგენილი იყო ქართული ნაციონალური ცეკვების იმპროვიზებული ნომრები, ჯაზის აკომპანიმენტით.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო



წარმოდგენაში მონაწილეობა მიიღეს ქართული დიასპორის წევრებმა, ქართული ცეკვების შოუ-ბალეტმა „ლელომ“, რომელსაც ხელმძღვანელობს გივი კბილაშვილი, მომდერლებმა ტარიელ მაისურაძემ და ქეთევან ასრათაშვილმა, ასევე, მინსკის ჯაზის კოლექტივმა. საღამომ თბილ და მეგობრულ ატმოსფეროში ჩაიარა. კონცერტმა დამსწრე საზოგადოების დიდი მოწონება და ოვაციები დაიმსახურა. მინსკის ცნობილ კლუბში გამართული ეს ორიგინალური ღონისძიება გააშუქეს ბელარუსის წამყვანმა ტელეარხებმა.

## **უკრაინა - საქართველოს დიპლომატიური ურთიერთობის 100 წლისთავისადმი მიძღვნილი ღონისძიებები ოდესაში**

12 აპრილს, ქ. ოდესაში საქართველოს საკონსულოში, გაიმართა საქართველოს ვეტერანების საქმეთა სახელმწიფო სამსახურის დელეგაციის შეხვედრა კონსულთან თორნიკე ბერეკაშვილთან და საკონსულოს სრულ შემადგენლობასთან.

იმავე დღეს, კონსულმა და დელეგაციის წევრებმა მონაწილეობა მიიღეს „უკრაინა-საქართველოს დიპლომატიური ურთიერთობისა“ და მრავალწლიანი სახალხო დიპლომატიის 100 წლის იუბილესადმი მიძღვნილ „მრგვალი მაგიდის“ ფორმატის ღონისძიებაში - „უკრაინა-საქართველო: სულიერი მისია მსოფლიოში“, რომელიც ორგანიზებული იყო ქართულ კულტურულ-საგანმანათლებლო ცენტრის „ივერიას“ მიერ, ოდესის ოლქის სახელმწიფო ადმინისტრაციის კულტურის, ეროვნული, რელიგისა და კულტურული მემკვიდრეობის მეგლთა დაცვის სამმართველოს და ქ. ოდესაში საქართველოს საკონსულოს მხარდაჭერით.

13 აპრილს, ოდესაში, ე. ბაგრიცის სახელობის N1 ბიბლიოთეკაში გაიხსნა ფოტო გამოფენა - „იდუმალი და მიუწვდომელი თუშეთი“, რომელიც ორგანიზებული იყო ქართულ კულტურულ-საგანმანათლებლო ცენტრის „ივერიას“ მიერ, საზოგადოებრივი ორგანიზაცია „ოდესის ინტელექტუალურ ფორუმთან“ ერთად და ქ. ოდესაში საქართველოს საკონსულოს მხარდაჭერით. სტუმრებს შორის იყვნენ სამხედრო-საზღვაო ძალების ნაციონალური უნივერსიტეტის „ოდესის საზღვაო აკადემიის“ კურსანტები, რომელთაც საქართველოს ვეტერანების საქმეთა სახელმწიფო სამსახურის დელეგაციის სახელით გადაცათ სიმბოლური საჩუქრები - წმინდა გიორგის ხატები.





# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

14 აპრილს, ოდესის სახელმწიფო ლიტერატურულ მუზეუმში, გაიმართა დასკვნითი ქართულ-უკრაინული ღონისძიება - „მამული, ენა, სარწმუნოება“, რომელიც მიეძღვნა ეროვნული ერთობის დღეს, სამოქალაქო თანხმობას, საქართველოს ერთიანობისთვის დაღუპულ მებრძოლთა ხსოვნასა და ქართული ენის დღეს. ღონისძიების ფარგლებში, წარმოდგენილი იყო გამოფენა უკრაინის სამხედრო მოსამსახურებისა და მოხალისეების ისტორიის შესახებ, რომლებიც დახმარებას უწევდნენ საქართველოს აფხაზეთში, 1992-1993 წლების ომში. ხსენებული ღონისძიება ორგანიზებული იყო ქართულ კულტურულ-საგანმანათლებლო ცენტრის „ივერიას“ მიერ, საქართველოს ვეტერანების საქმეთა სახელმწიფო სამსახურთან და საზოგადოებრივი ორგანიზაცია „ოდესის ინტელექტუალურ ფორუმთან“ ერთად, ქ. ოდესაში საქართველოს საკონსულოს მხარდაჭერით. გამოფენა გახსნა საქართველოს ვეტერანების საქმეთა სახელმწიფო სამსახურის დირექტორმა ვლადიმერ იმნაძემ. ღონისძიების მონაწილეთა და დამსწრეთა წინაშე სიტყვით გამოვიდნენ ქ. ოდესაში საქართველოს კონსული თორნიკე ბერეკაშვილი, ქართულ კულტურულ-საგანმანათლებლო ცენტრის ხელმძღვანელი შორენა გეგეშიძე, ოდესის ოლქის სახელმწიფო ადმინისტრაციის კულტურის, ეროვნული, რელიგისა და კულტურული მემკვიდრეობის მეგლთა დაცვის სამმართველოს უფროსის მოადგილე იაროსლავა რეზნიკოვა, ხერსონის ოლქში ქართული ნაციონალურ-კულტურული გაერთიანება „ილორის“ თავმჯდომარე ელიკო მარკელია, ქართული საკორაო სკოლა „ანა-ბანას“ დირექტორი მეგი ლაშჩია, საზოგადოებრივი ორგანიზაცია „ოდესის ინტელექტუალური ფორუმის“ ხელმძღვანელი ლარისა კოზლოვსკაია, ი. მეჩნიკოვის სახელობის ოდესის ეროვნული უნივერსიტეტის დოცენტი ალექსანდრე მუზიჩკო და სხვები.

ღონისძიებაში მონაწილეობა მიიღეს ოდესის ოლქის სახელმწიფო ადმინისტრაციის სტრუქტურული ერთეულების ხელმძღვანელებმა, ოდესაში აკრედიტირებულმა დიპლომატიური კორპუსის წარმომადგენლებმა და ქართულმა დიასპორამ.

## ქართული კულინარიის ფესტივალი ჰავაში

12-14 აპრილს, ნიდერლანდების სამეფოში, ქალაქ ჰავაში სასტუმრო „Crowne Plaza“ და საქართველოს საელჩოს ორგანიზებით, ასევე ურნალის „Diplomat“ მხარდაჭერით, ქართული კულინარიის ფესტივალი - „Georgian Flavours“ გაიმართა. ღონისძიების თანა-სპონსორები იყვნენ კომპანია „Bavaria“ და ტურისტული კომპანია „Tika Tours“. ფესტივალი საზეიმო ვითარებაში საქართველოს ელჩმა კონსტანტინე სურგულაძემ, სასტუმროს „Crowne Plaza“ გენერალურ მენეჯერთან პატრიკ არსმანთან და დიპლომატიური ურნალის დამფუძნებელთან მეიელინ დე ლარასთან ერთად გახსნა. სამი დღის განმავლობაში, ნიდერლანდებში მცხოვრები ქართველი შეფ-მზარეულის ნატალია ჩადუნელის, მისი ასისტენტის გიორგი ხვისტანის ხელმძღვანელობით და სასტუმროს რესტორანის „Brut“ შეფ-მზარეულის სიდო დე ბრაბანდერის დახმარებით, ქართული ტრადიციული კერძები მომზადდა.

ფესტივალზე მოსულ სტუმრებს შესაძლებლობა ქონდათ დაეგემოვნებინათ ქართული ღვინო. ფესტივალის მსვლელობას თან ახლდა „ზირიაბის მსოფლიო მუსიკის აკადემიის“ ქართული ანსამბლის კონცერტი, რომელიც საქართველოს პირველი დემოკრატიული რესპუბლიკის დარსებიდან 100 წლის იუბილეს მიეძღვნა.



კულინარიის ფესტივალის გახსნაზე, საქართველოს ელჩმა კონსტანტინე სურგულაძემ მადლობა გადაუხადა სტუმრებს მობრძანებისათვის და მადლობის სიგელებით დააჯილდოვა ქართველი შეფ-მზარეული ნატალია ჩადუნელი, მისი ასისტენტი გიორგი ხვისტანი და სასტუმროს რესტორანის „Brut“ ცნობილი შეფ-მზარეული სიდო დე ბრაბანდერი.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## დედაქანის დღე ესტონეთის დედაქალაქში

14 აპრილს, ესტონეთში მოქმედი ქართული სათვისტომოს „ქართული სახლის“ ბაზაზე არსებულმა საკვირაო სკოლამ „მზიური“ დედაქანის დღე აღნიშნა. სკოლის მოსწავლეებმა წარმოადგინეს პრეზენტაცია საქართველოსა და ქართული ენის შესახებ და ქართული პოეზიის მხატვრული კითხვით გამოხატეს მშობლიური ენის სიყვარული. სკოლაში მოეწყო „დედა ენის“ სხვადასხვა გამოცემების გამოფენა, ჩატარდა კონკურსი - „საუკეთესო ნახატები დედა ენის კურსიდან“.



ტალინის საკვირაო სკოლის სასწავლო პროცესს უკვე ორი ათეული წელია უძღვება ქალბატონი ქეთევან ფალელაშვილი. სკოლაში მოსწავლეები მშობლიურ ენას და ლიტერატურას, ისტორიას და ქართულ ტრადიციებს ეუფლებიან. სკოლის პედაგოგები აქტიურად იყენებენ ენის შესწავლის სხვდასხვა მეთოდებს, მათ შორის, ვიდეო კლიპებსა და ქართულ ფილმებს. სკოლაში ფუნქციონირებს ქართული ცეკვის ანსამბლი, იმართება ქართული ტრადიციული დღესასწაულები.

ქართული საკვირაო სკოლა მომავალშიც არა ერთი საინტერესო ღონისძიების ჩატარებას გეგმავს, რაც ესტონეთში მცხოვრებ ბავშვებს ქართული ცნობიერების ამაღლებაში დაეხმარება.



## **ქ. სოჭში ქართულმა დიასპორულმა ორგანიზაციამ დაარსების პირველი წელი აღნიშნა**

14-16 აპრილს, ქალაქ სოჭში, შოთა რუსთაველის სახელობის ქართულმა დიასპორულმა ორგანიზაციამ - ООГ Национально-Культурная Автономия Грузин Города Сочи, შექმნის პირველი წლისთავი აღნიშნა. „ქ. სოჭის ქართველთა ნაციონალურ-კულტურულ ავტონომიას“ ვლადიმერ გეგეჭვირი ხელმძღვანელობს, რომელიც განათლებით იურისტი და, ამავე დროს, კარატეს ოსტატია და ქართველ და რუს ახალგაზრდებს ავარჯიშებს.

ამ თარიღთან დაკავშირებით, თბილისიდან საქართველოს ეროვნული კარატე-დო ფედერაციის პრეზიდენტი, მსოფლიო ჩემპიონი, მე-8 „დან“-ის მფლობელი, კახა ბასილია იყო ჩასული, რომელმაც ადლერის ოლიმპიური პარკის სპორტულ კომპლექსში კარატესა და „კრავ-მაგაში“ სემინარები ჩატარა.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

ღონისძიებაზე დასწრება თავისუფალი იყო და მიზნად ისახავდა არა მხოლოდ საზოგადოების მოზიდვასა და საბრძოლო ხელოვნებით დაინტერესებას, არამედ ქართულ დიასპორასთან შეხვედრას და სამომავლო თანამშრომლობის გაღრმავებას. სემინარში მონაწილეობდნენ ქალაქ სოჭში მცხოვრები ქართველი თანამემამულეები და ადგილობრივი სპორტსმენები. სემინარების ბოლოს, მონაწილეები შესაბამისი სერტიფიკატებით დაჯილდოვდნენ, ვლადიმერ გეგეჭიორს კი კარატე ოსტატის მე-5 „დანი“ მიენიჭა.



საქართველოს კარატეს ეროვნული ფედერაციის პრეზიდენტის საქველმოქმედო ინიციატივით, ქართველი ბავშვები დასაჩუქრდნენ დედა ენის წიგნებით, საბავშვო ლიტერატურით, ისტორიის სახელმძღვანელოებით და რვეულებით.

მსგავსი ღონისძიებები სამომავლოდაც იგეგმება სხვადასხვა ქვეყნებში. ფედერაცია მჭიდრო კონტაქტზეა საქართველოს საგარეო საქმეთა სამინისტროსთან, კერძოდ - დიასპორასთან ურთიერთობის დეპარტამენტთან.



ღონისძიებაზე ქ. მოსკოვიდან ჩასული იყვნენ რუსეთის ფედერაციაში შვეიცარიის კონფედერაციის საელჩოს საქართველოს ინტერესების სექციის კონსული ზვიად ტატიშვილი და ვიცე-კონსული ტარიელ ყიფშიძე.

კონსული და ვიცე-კონსული შეხვდნენ თანამემამულეებს და საკონსულო მომსახურება გაუწიეს.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## საქართველოს მეგობართა გაერთიანების შეკრება ბერნში

14 აპრილს, ქ. ბერნში გაიმართა „შვეიცარიაში საქართველოს მეგობართა გაერთიანების“ მიერ ორგანიზებული შეკრება, რომელსაც ესწრებოდა საგანგებო და სრულუფლებიანი ელჩი დავით ჯალაძანია. შეკრებაში მონაწილეობა მიიღეს შვეიცარიაში მცხოვრებმა თანამემამულეებმა და შვეიცარიის მოქალაქეებმა, რომლებიც საქართველოში მნიშვნელოვან პროექტებს ახორციელებენ. წარმოდგენილი პროექტების დიდი ნაწილი შვეიცარიის მოქალაქეთა კერძო ინიციატივისა და სხვადასხვა ადგილობრივი სახელმწიფო და კერძო ფონდების ან სპონსორების მხარდაჭერით ხორციელდება და მიზნად ისახავს საქართველოში სოფლის მეურნეობის, ახალგაზრდული სკაუტთა ორგანიზაციის, ტურიზმის, მცირე მეწარმეობის და თვითდასაქმეების, რეგიონებში შეზღუდული შესაძლებლობების პირთა და მათი ოჯახის წევრთა დახმარების, საგზაო უსაფრთხოების უზრუნველყოფის ხელშეწყობას. ცოფინგენის ლიტერატურული დღეების პროგრამის ხელმძღვანელმა მარკუს კირხჰოფერმა გააკეთა პრეზენტაცია 2018 წლის ცოფინგენის ლიტერატურულ დღეების შესახებ, რომელიც მთლიანად ქართულ ლიტერატურას დაეთმობა. გაიმართა საქართველოს შესახებ შვეიცარიელი ავტორის, ევა დიტრიხის წიგნის "Das fremde Gewürz" პრეზენტაცია.



შვეიცარიაში ქართული ენის სწავლების შესახებ მოხსენება გააკეთა ბერნის უნივერსიტეტის ასოცირებულმა მკვლევარმა მანანა ტოფაძემ, რომელიც ფრიბურგის უნივერსიტეტის თეოლოგიის ფაკულტეტზე ძველი ქართული ენის კურსს უძღვება, ასევე ასწავლის ქართულ ენას უცხო ენების სკოლაში Klubschule Migros. მკვლევარმა ისაუბრა შვეიცარიაში ქართული ენის სწავლების ტრადიციის შესახებ, რასაც ცნობილმა ქართველმა ენათმეცნიერმა, კიტა ჩხენკელმა ჩაუყარა საფუძველი. „შვეიცარიაში საქართველოს მეგობართა გაერთიანების“ პრეზიდენტმა, თომას ჰოიზერმანმა, ისაუბრა საქართველოს პირველი დემოკრატიული რესპუბლიკის საგარეო საქმეთა მინისტრის აკაკი ჩხენკელის და მისი ძმის კიტა ჩხენკელის მიერ დატოვებული საარქივო მასალის შესახებ, რომელიც კიტა ჩხენკელის შვეიცარიელმა მოწაფემ ლეა ფლურმა თომას ჰოიზერმანსა და ასევე შვეიცარელ მარიანა კრაიერს დაუტოვა. ბატონმა ჰოიზერმანმა დაადასტურა, რომ საქართველოს პირველი დემოკრატიული რესპუბლიკის საიუბილეო წელს ამ რელიქვიის საქართველოში დაბრუნება იგეგმება.

ახალგაზრდა ქართველმა პიანისტმა, ციურიხის ხელოვნების უნივერსიტეტის სტუდენტმა გიორგი იულდაშევამა სტუმრებისთვის შეასრულა სეზარ ფრანკისა და მიხეილ შუღლიაშვილის ნაწარმოებები. ღონისძიების დასასრულს, დავით ჯალაძანიამ მადლობა გადაუხადა საქართველოს მეგობართა გაერთიანებას და მის პრეზიდენტს თომას ჰოიზერმანს შეკრების ორგანიზებისათვის, აკაკი და კიტა ჩხენკელების არქივების საქართველოსთვის გადაცემასთან დაკავშირებით მიღებული გადაწყვეტილებისათვის, რაც საქართველოს დემოკრატიული რესპუბლიკის დაარსების 100 წლის იუბილეს ემთხვევა და გამოთქვა მზაობა თანამშრომლობისა და მხარდაჭერისთვის ქ. ციურიხში კიტა ჩხენკელის საცხოვრებელ სახლზე მისი მემორიალური დაფის გახსნასთან დაკავშირებით.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## ქართული ენისა და დამწერლობის კონკურსი კიევში

13 აპრილს, ქართული ენისა და დამწერლობის პოპულარიზაციის მიზნით, საქართველოს საკონსულტო გამართა დედაქანის დღისადმი მიმღვნილი ღონისძიება, რომელშიც მონაწილეობდნენ ქართული საკონსულტო სკოლების მოსწავლეები, მათი პედაგოგები და მშობლები. ჩატარდა კონკურსი ქართულ წერაში, ხოლო ჟიურის წევრებმა შეარჩიეს 3 საუკეთესო კალიგრაფიული წამუშევარი. საგანგებო და სრულუფლებიანმა ელჩმა გელა დუმბაძემ გამარჯვებულები და მონაწილეები სიმბოლური საჩუქრებით დააჯილდოვა. გამართა პრეზენტაცია ქართული დამწერლობის ისტორიასთან დაკავშირებით, რამაც ბავშვების მხრიდან განსაკუთრებული ინტერესი გამოიწვია.



## დედაქანის დღის ზეიმი პარიზში



14 აპრილს, ქართველთა კულტურის კერამ „ლაზი“ და ქართული საკონსულტო სკოლის მოსწავლეებმა ზეიმით აღნიშნეს დედაქანის დღე. მოეწყო ბავშვების ნახატების და ხელნაკეთი ნივთების გამოფენა, შეიქმნა და გამოიცა ორგანიზაციის პირველი კედლის გაზეთი „დებიუტი“.

საკონსულტო სკოლას საჩუქრად გადაეცა ტილოზე შესრულებული დედაქანის ნახატი და წიგნები საერთაშორისო სკოლა „ბაქსვუდის“ მოსწავლეებისაგან.

სკოლის პედაგოგებმა მადლობა გადაუხადეს შვეიცარიაში მცხოვრებ ქართველ ემიგრანტს სოფო ფოცხვერაშვილს ქართული საბავშვო ლექსების კრებულისთვის, საიდანაც ზეიმის მონაწილე ბავშვებმა ლექსები წაიკითხეს.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

თესალონიკში საქართველოს პირველი დემოკრატიული რესპუბლიკის  
დაარსების 100 წლისთავისადმი მიძღვნილი ღონისძიებები გაიმართა

14 აპრილს, საქართველოს გენერალური საკონსულოს ეგიდითა და ქართული დიასპორის წარმომადგენლის ზიზი ნასყიდაშვილის ორგანიზებით, თესალონიკის ფრანგულ ინსტიტუტში გაიმართა გამოჩენილი ქართველი პიანისტის ვალერიან შიუკაშვილის კონცერტი, რომელიც მიეძღვნა საქართველოს პირველი დემოკრატიული რესპუბლიკის დაარსების 100 წლისთავს და, ასევე, დედაენის დღეს. დარბაზის ფოიეში გამოიფინა საქართველოს დამოუკიდებლობის აქტის გამოცხადებასთან დაკავშირებული ისტორიული ფოტოები და ქართული ანბანის სახეობა.

საზეიმო ღონისძიებას ესწრებოდნენ თესალონიკის აღმასრულებელი ხელისუფლების, თესალონიკში განთავსებული საკონსულო დაწესებულებების, ქართული დიასპორის წარმომადგენლები და ბერძენი სტუმრები. ვალერიან შიუკაშვილმა შეასრულა სკარლატის, მოცარტის, შოპენის, ჩაიკოვსკის, შუბერტის, ქართველი კომპოზიტორების - ლალიძის, ყანჩელისა და დოლიძის ნაწარმოებები. დამსწრე საზოგადოებას სიტყვით მიმართეს ვალერიან შიუკაშვილმა და გენერალურმა კონსულმა მუხრან გულაძაშვილმა.



## დედაენის დღისადმი მიძღვნილი კონცერტი მინსკში

14 აპრილს, ქ. მინსკში, ეროვნული კულტურების რესპუბლიკური ცენტრის საკონცერტო დარბაზში, გაიმართა დედაენის დღისადმი მიძღვნილი კონცერტი, რომლის ორგანიზატორი იყო ქართული კულტურულ-საგანმანათლებლო საზოგადოება „მამული“.

კონცერტი გაიხსნა პრეზენტაციით, სადაც დამსწრე საზოგადოება გაეცნო ქართული ენის მრავალსაუკუნოვან ისტორიასა და დამწერლობის სახეებს.

კონცერტში მონაწილეობა მიიღეს სათვისტომოს ანსამბლმა „მზიური საქართველო“, საცეკვაო სკოლამ „ლელო“, ქართველმა მომღერლებმა, ასევე, ქართული საკვირაო სკოლის მოსწავლეებმა.



კონცერტის ფარგლებში, ბელარუსმა სტუმრებმა ქართულ ენაზე წაიკითხეს ლექსები და შეასრულეს პოპულარული მუსიკალური ნაწარმოებები.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## ქართული ლიტერატურის საღამო პარიზში

15 აპრილს, პარიზში, საფრანგეთში საქართველოს საელჩოს და საფრანგეთში მოქმედ ქართული კულტურის ცენტრის „ლაზი“ ორგანიზებით, ქართველი მწერლის ლაშა ბულაძის ახალი რომანის „პატარა ქვეყანა“ პრეზენტაცია გაიმართა. ავტორმა წაიკითხა ფრაგმენტები რომანიდან. ღონისძიების შემდეგ კი გაიმართა მწერლის შეხვედრა ქართული დიასპორის წარმომადგენლებთან და დისკუსია ქართული ლიტერატურის შესახებ.



## საქველმოქმედო საღამო დარმშტატში

15 აპრილს ქ. დარმშტატის ქართული სათვისტომოს, საქართველოს გენერალური საკონსულოს ქ. მაინის ფრანკფურტში და საქართველოს საელჩოს ორგანიზებით, ჩატარდა საქველმოქმედო საღამო „ქართული ჰანგები“.



ღონისძიების ფარგლებში მოეწყო ქართველი ავტორების ბელა ჩეკურიშვილისა და ირმა შიოლაშვილის წიგნების საჯარო განხილვა, ხოლო საღამო მუსიკალურად გააფორმა ქართულმა ბენდმა „Geo Train“. სტუმრებს საშუალება ჰქონდათ დაეგემოვნებინათ ქართული კერძები და ღვინო. აღსანიშნავია იდეის ავტორის ბატონი ჰაინც გენგენბახერის წვლილი აღნიშნული ღონისძიების განხორციელებაში. საქველმოქმედო ღონისძიების ფარგლებში შემოსული თანხა მოხმარდება თბილისის მ. იაშვილის ბავშვთა ცენტრალური საავადმყოფოს ავთვისებიანი სიმსივნით დაავადებული პაციენტების მკურნალობას.

## ქართველი ემიგრანტი პოეტების ფესტივალი ათენში

15 აპრილს, ათენში, დედაქის დღესთან დაკავშირებით, საქველმოქმედო საღამო - „ქართველი ემიგრანტი პოეტების ფესტივალი“ გაიმართა, რომელშიც სხვადასხვა ქვეყნებში მცხოვრები ქართველი პოეტები მონაწილეობდნენ - ხათუნა შავგულიძე, საიდ მულიანი, ჯიმშერ ბედიანაშვილი, ირმა შიოლაშვილი, ზურაბ პაპიაშვილი, ნინო სპანდერაშვილი და ქეთი კრებსერი. ფესტივალის ხელმძღვანელი და ორგანიზატორი იყო ათენის „ქართული სახლის“ პრეზიდენტი დარეჯან ღამბაშვიძე. მოწვევულ სტუმრებთან ერთად, საზოგადოებას თავისი შემოქმედება გააცნეს საბერძნეთში მცხოვრებმა ემიგრანტებმა ზაირა კელოშვილმა, ნანა მეტრეველმა და მარინა ყიფიანმა. საღამო მუსიკალურად გააფორმა თურქეთში მოღვაწე მომღერალმა ბაიარ შაჰინმა.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

პროექტის მხარდამჭერი იყო საბერძნეთის ქართველ ქალთა კავშირი (თავმჯდომარე - ნუნუ ღურჯუმალიძე), რომელსაც 2006 წლიდან დღემდე არაერთი საქველმოქმედო თუ კულტურულ-საგანმანათლებლო ღონისძიება აქვს ჩატარებული.

ორგანიზაციამ, დედაენის დღესთან დაკავშირებით, ჟურნალის „ემიგრანტი ქალი“ სპეციალური ნომერი გამოუშვა.

ჟურნალის გაყიდვიდან შემოსული თანხის ნაწილი გადაეცემა ათენის „ქართულ სახლს“, რომელიც სოციალურად დაუცველ ბავშვებს დაეხმარება.



## ბარის ქართულ საკვირაო სკოლაში დედაენის დღე აღნიშნეს

15 აპრილს, იტალიის ქალაქ ბარის ქართული საკვირაო სკოლის მოსწავლეებმა დედაენის დღისადმი მიძღვნილ ზეიმში მიიღეს მონაწილეობა. სკოლის ადმინისტრაციამ ისინი სიგელებითა და საჩუქრებით დააჯილდოვა. საკვირაო სკოლა „აისი“ (ხელმძღვანელი ნინო რურუ) მეოთხე თვეა ფუნქციონირებს, სადაც ემიგრანტი ბავშვები ქართულ ენასა და ლიტერატურას, საქართველოს ისტორიას და გეოგრაფიას სწავლობენ. სკოლაში ასევე მოქმედებს ლიტერატურული სალონი (ხელმძღვანელი - როზეტა კიტოვანი) და ქორეოგრაფიული სტუდია (ხელმძღვანელები - ნინო ზარდალაშვილი, არჩილ ვარდიაშვილი).



## სლოვაკეთის ქალაქ კოშიცეში ქართული რესტორანი გაიხსნა

18 აპრილს ქ. კოშიცეში, საქართველოს საპატიო კონსულმა ფრანკო პიგოციმ გახსნა ქართული რესტორანი და ღვინის მაღაზია „გრუზინაკ“, სადაც ქართული სამზარეულოს მოყვარულებს შესაძლებლობა ექნებათ დააგემოვნონ ქართული კერძები და ათადე სხვადასხვა მწარმოებლის ქართული ღვინო. აღსანიშნავია, რომ მზარეულები მოწვეულნი არიან საქართველოდან.

საზეიმო გახსნას დაესწრო სლოვაკეთის რესპუბლიკაში საქართველოს საგანგებო და სრულუფლებიანი ელჩი რევაზ გაჩეჩილაძე, რომელმაც სიტყვით მიმართა დამსწრე საზოგადოებას, ხაზი გაუსვა საქართველოსა და სლოვაკეთის რესპუბლიკას შორის ნაყოფიერ თანამშრომლობას და აღნიშნა, რომ ქართული სამზარეულო კიდევ უფრო დააახლოებს და გააღრმავებს ორ ქვეყანას შორის არსებულ მეგობრულ ურთიერთობებს.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო



ფრანკო პიგოციმ განაცხადა, რომ იგი გეგმავს ქართული ღვინის პოპულარიზაციასა და დისტრიბუციას სლოვაკეთის რესპუბლიკის ტერიტორიის მასშტაბით, ასევე გეგმავს სამომავლოდ ქართული რესტორნის ქ. ბრატისლავაში გახსნას.

## ქართული ენის დღისადმი მიძღვნილი ზეიმი ათენში

19 აპრილს, ქ. ათენის 50-ე საჯარო სკოლაში, გაიმართა ქართული ენის დღისადმი მიძღვნილი ღონისძიება, რომელშიც მონაწილეობდნენ ამავე სკოლაში 2017 წლიდან მოქმედი ქართული ენის საპილოტე პროგრამის მოსწავლეები.



ღონისძიების ორგანიზატორები იყვნენ საპილოტე პროგრამის მასწავლებლები, მადონა ჯავახიშვილი და ხათუნა ლობჟანიძე. ღონისძიებას დაესწრნენ საქართველოს საელჩოს მრჩეველი ეკატერინე ლორთქიფანიძე და პირველი მდივანი მაია დევაძე.

## ქართული ლიტერატურის საღამო ბად ჰომბურგში

19 აპრილს, ბად ჰომბურგში, ქართულ-გერმანული საზოგადოება “ტაუნუს-ტიფლისის” ხელშეწყობით, გაიმართა ლიტერატურული საღამო და შეხვედრა ქართველ მწერალთან, ლამა ბუღაძესთან. ქართული დიასპორის წარმომადგენლებს და მოწვეულ სტუმრებს ლაშა ბუღაძემ საკუთარი ნაწარმოებებიდან „ლიტერატურული ექსპრესი“ და „ლუკრეცია 515“ მცირე პასაჟები წაუკითხა.





# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

საზოგადოება „ტაუნუს-ტიფლისი“ საქართველოს მეცნიერების მიერ გერმანიის ქ. ტაუნუსში 1996 წელს დაარსდა. ამ ხნის მანძილზე, მას დიდი წვლილი აქვს შეტანილი გერმანელი საზოგადოებისათვის ქართული კულტურის გაცნობასა და პოპულარიზაციაში. საზოგადოება ხშირად მართავს ქართველი მხატვრების გამოფენებს და საინფორმაციო ხასიათის ღონისძიებებს საქართველოსა და ქართული კულტურის შესახებ, იწვევს საქართველოდან სხვადასხვა ანსამბლებსა და შემსრულებლებს, აწყობს ქართულ საღამოებს.

## სტოკოლმში საქართველოს პირველი რესპუბლიკის 100 წლისთავისადმი მიძღვნილი ღონისძიებები გაიმართა

19 აპრილს, სტოკოლმში, გალერეაში „Bellange“, ქართველი მხატვრის, ოთარ იმერლიშვილის გამოფენასთან დაკავშირებით, გაიმართა საზეიმო ღონისძიება, რომელიც საქართველოს მიემდვნა. მოხსენება საქართველოს შესახებ წაიკითხა შვედმა მკვლევარმა, მწერალმა ულრიკა სოდერლინდმა, რომელიც საქართველოსადმი მიძღვნილი წიგნის ავტორიცაა.

წიგნი ეფუძნება ავტორის მიერ განხორციელებულ კვლევას თბილისში, სხვადასხვა ეთნიკურ და რელიგიურ წრეებში დაკვიდრებული გასტრონომიული ტრადიციების შესახებ. ღონისძიებაზე მიწვეულ სტუმრებს მისასალმებელი სიტყვით მიმართა საქართველოს საგანგებო და სრულფლებიანმა ელჩმა მალხაზ კაკაბაძემ, ხოლო ულრიკა სოდერლინდმა ისაუბრა ქართული ღვინის, კულინარიისა და ტრადიციების შესახებ.



20 აპრილს, იმავე გალერეაში, გაიმართა ქართული საღამო. ზეიმში მონაწილეობა მიიღო სტოკოლმში მოქმედმა ბავშვთა ფოლკლორულმა ანსამბლმა „ნერგები“, ლელა კუხიანიძის ხელმძღვანელობით. სხვადასხვა მუსიკალური კომპოზიციები შეასრულა ქართველმა მევიოლინებმ ვიტალი კენჭაძემ, მთარგმნელმა რიმა მარკოვამ წაიკითხა ლექსები საქართველოს შესახებ, ხოლო შვედმა მომღერალმა კრისტინა ანდერსონმა შეასრულა ბულატ ოკუჯავას ცნობილი სიმღერები.

საზეიმო ღონისძიებები საქართველოს პირველი რესპუბლიკის 100 წლისთავს მიემდვნა. ღონისძიებებს ესწრებოდა საქართველოს საელჩოს პირველი მდივანი ვალერიან ბოდაველი.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## ზვიად გონაძის შეხვედრა ნიცაში მცხოვრებ თანამემამულებთან

20 აპრილს, საფრანგეთის რესპუბლიკაში სამუშაო ვიზიტის ფარგლებში, საქართველოს საგარეო საქმეთა მინისტრის მოადგილემ ზვიად გონაძემ შეხვედრა გამართა ნიცაში მცხოვრებ ქართველებთან. მინისტრის მოადგილემ და ელჩმა ეკატერინე სირაძე-დელონემ მოინახულეს ნიცაში მოქმედი ქართული ცეკვის ანსამბლი „დეისი“ და მათ საქმიანობას გაეცნენ. ანსამბლის ხელმძღვანელია ზურაბ ცუცქირიძე, რომელიც ქართული ფოკლორის პოპულარიზაციას მთელი საფრანგეთის მასშტაბით ეწევა - მისი ხელმძღვანელობით ფუნქციონირებს ქართული ხალხური ცეკვის ანსამბლები ლიონსა და პარიზში.



## პავლე შპეტიშვილს ბრანდენბურგის ფედერალური მიწის პარლამენტის საპატიო ჯილდო გადაეცა



20 აპრილს, გერმანიის ფედერალური რესპუბლიკის ბრანდენბურგის ფედერალური მიწის პარლამენტის პლენარულ დარბაზში, პარლამენტის პრეზიდენტმა ბრიტა სტარკმა და პარლამენტის წევრებმა ბრანდენბურგ-საქართველოს საზოგადოების პრეზიდენტი, პავლე შპეტიშვილი ბრანდენბურგის ფედერალური მიწის პარლამენტის, ლანდტაგის მედლით დააჯილდოვეს. ეს საპატიო ჯილდო მას საქართველო-გერმანიის ორმხრივ ურთიერთობათა ჩამოყალიბებისა და შემდგომ განვითარებაში შეტანილი წვლილისათვის მიენიჭა.

პავლე შპეტიშვილს და მის ორგანიზაციას, ბრანდენბურგ-საქართველოს საზოგადოებას, დიდი ღვაწლი მიუძღვის გერმანიასა და საქართველოს შორის საპარლამენტო, რეგიონული და ფედერალური მმართველობის დონეზე მჭიდრო თანამშრომლობის განვითარების ხელშეწყობაში, ეკონომიკის, ვაჭრობის, ტურიზმის, კულტურის, მეცნიერების, განათლების, სპორტის და სხვა სფეროში ორი ქვეყნის - გერმანიისა და საქართველოს ურთიერთობების გაღრმავებასა და განვითარებაში.

## ათენის ქართული ხალხური ცეკვის ანსამბლი „კავკასია“ საერთაშორისო ფესტივალის გამარჯვებული გახდა

21 აპრილს, ათენის ქართული ხალხური ცეკვის ანსამბლმა „კავკასია“ მონაწილეობა მიიღო ქ. ელევსინას მუნიციპალიტეტის მიერ ორგანიზებულ ცეკვის IV საერთაშორისო ფესტივალში, რომელიც მიეძღვნა UNESCO-ს მიერ დაწესებულ ზეიმს - ქორეოგრაფიის საერთაშორისო დღეს. სტუმრის სტატუსით ზეიმზე მიწვეული იყო სამი ქვეყანა - ეგვიპტე, საქართველო და სომხეთი. „კავკასიამ“ ფესტივალზე მრავალფეროვანი პროგრამა წარმოადგინა - ცეკვა „ოსური“, „სამაია“ და ახალი დადგმა - „ჯუთა“.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო



ქართული ცეკვის ხიბლმა და მოცეკვავეების არაჩვეულებრივმა შესრულებამ დამსწრე საზოგადოების აღფრთვანება გამოიწვია და „კავკასია“ ფესტივალის ლაურეატი გახდა.

აღსანიშნავია, რომ უძველეს ქალაქ ელევსინას, რომელიც ანტიკურ ხანაში ცნობილი მიწათმოქმედების ქალღმერთ დიმიტრას კულტით და მასთან დაკავშირებული „ელევსინას მისტერიებით“ იყო განთქმული, წილად ერგო საპატიო ტიტული - „2021 წლის ევროპის კულტურის დედაქალაქი“.

## მინისტრის მოადგილემ პატივი მიაგო მიშელ მუსხელის ხსოვნას

21 აპრილს, ქ. სტრასბურგში ვიზიტის ფარგლებში, საქართველოს საგარეო საქმეთა მინისტრის მოადგილემ ბატონმა ზვიად გონაძემ პატივი მიაგო ქართული წარმოშობის მეცნიერის, სტრასბურგის უნივერსიტეტის პროფესორის მიშელ მუსხელის (მიხეილ მუსხელიშვილის) ხსოვნას და გვირგვინით შეამცო გამოჩენილი თანამემამულის საფლავი.

აღსანიშნავია, რომ მიშელ მუსხელი ერთ-ერთი პირველია მათ შორის, ვინც ერთიანი ევროპის იდეას ჩაუყარა საფუძველი. საგარეო საქმეთა სამინისტროს და ევროპის საბჭოსთან საქართველოს მუდმივი წარმომადგელობის მაღისტრებით მოძიებულ იქნა მიხეილ მუსხელის საფლავი, ასევე მისი ნაშრომები, საარქივო მასალა, რომელსაც ფართო საზოგადოებისთვის საგარეო საქმეთა სამინისტრო 26 მაისს ევროპის საბჭოს სათაო ოფისში სპეციალური გამოფენის ფარგლებში წარუდგენს.



## გაზაფხულის ზეიმი თესალონიკში

21 აპრილს, ქ. თესალონიკში, ასოციაციის „ემიგრანტი დედა“ ორგანიზებით, კაფე-რესტორან „დაისში“ გაიმართა ყოველწლიური ტრადიციული ღონისძიება „ქალი და გაზაფხული.“ ღონისძიებას ესწრებოდნენ თესალონიკის ქართული სამრევლოს წინამდღვარი, პროტოპრესვიტერი გიორგი მათურელი, ქ. თესალონიკში საქართველოს გენერალური კონსული მუხრან გულაღაშვილი, გენერალური საკონსულოს თანამშრომლები, თესალონიკისა და მუდანის ქართული საკვირაო სკოლების ხელმძღვანელები, თესალონიკის თეატრალური დასის წევრები, თესალონიკში მოღვაწე ქართული დიასპორული ორგანიზაციებისა და ქართული დიასპორის წარმომადგენლები.

ღონისძიებაზე შესრულდა სიმღერები, წაკითხულ იქნა ნაწყვეტები სხვადასხვა ლიტერატურული ნაწარმოებებიდან. ორგანიზაციის ხელმძღვანელმა ზოია სულხანიშვილმა წარმოადგინა ანგარიში საქმიანობის შესახებ. ასოციაციის წევრებს კი აქტიური თანამშრომლობისათვის გადაეცათ სიგელები და სიმბოლური საჩუქრები.





# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## **ქართული საკვირაო სკოლის გასვლითი გაკვეთილები კოპერნიკის სამეცნიერო ცენტრში**

21 აპრილს, ქალაქ ვარშავაში, საქართველოს საელჩოსთან არსებული საკვირაო სკოლის მოსწავლეებს ჩაუტარდათ გასვლითი გაკვეთილი კოპერნიკის სამეცნიერო ცენტრში. მოსწავლეები დაესწრნენ ქიმიისა და ფიზიკის გაკვეთილებს და მიიღეს მონაწილეობა სხვადასხვა ექსპერიმენტებსა და აქტივობებში.

პოლონეთში საქართველოს საელჩოსთან არსებულმა საკვირაო სკოლამ ფუნქციონირება 2018 წლის თებერვლის თვიდან განაახლა, რაც პოლონეთში მცხოვრები თანამემამულებისა და საქართველოს საელჩოს ერთობლივი ძალისხმევით განხორციელდა.



## **სტრასბურგში ქართული საკვირაო სკოლა გაიხსნა**

21 აპრილს, საქართველოს საგარო საქმეთა მინისტრის მოადგილე ზვიად გონაძე, საფრანგეთში ვიზიტის ფარგლებში, სტრასბურგში ქართული საკვირაო სკოლის გახსნას დასწრო. ახალი სკოლა ევროპის საბჭოში საქართველოს მუდმივ წარმომადგენლობაში ფუნქციონირებს.

სკოლა საქართველოს საგარეო საქმეთა სამინისტროს დახმარებით აღიჭურვა, მოეწყო სასწავლო კლასი, მიეწოდა შესაბამისი საგანმანათლებო და შემცნებითი ლიტერატურა. საკვირაო სკოლის ფარგლებში, სხვა აქტივობებთან ერთად, დაგეგმილია კულტურული ღონისძიებების გამართვა საფრანგეთის სხვადასხვა რეგიონში მცხოვრები ქართველებისთვის. ამ ეტაპზე, საკვირაო სკოლაში ოთხმოცამდე ბავშვია დარეგისტრირებული, რომელთაც ჩაუტარდებათ გაკვეთილები ქართულ ენასა და ლიტერატურაში, ისტორიაში და ხელოვნებაში. ქართული საკვირაო სკოლის დაფუძნება დიასპორისა და კავკასიის საკითხთა საპარლამენტო კომიტეტის ინიციატივით და საგარეო საქმეთა სამინისტროს ხელშეწყობით მოხდა.



## **დედაენისადმი მიძღვნილი ზეიმი ათენში**

22 აპრილს, ქ. ათენის ბერძნულ-ქართული კულტურული ასოციაციის ხელმძღვანელთა ორგანიზებით, ორგანიზაციის პედაგოგთა და მოსწავლეთა მონაწილეობით, იაკობ გოგებაშვილის „დედა ენისადმი“ მიძღვნილი ზეიმი გაიმართა.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

დედაენაზე შექმნილი ლექსები  
წაიკითხეს ქართველმა მოზარდებმა,  
ხოლო პედაგოგ ქეთევან  
ხატიაშვილის აღსაზრდელებმა,  
ანსამბლმა „ნერგებმა“, ღონისძიება  
სიმღერებით გაალამაზეს, ცეკვის  
სტუდიის მოსწავლეებმა ვი, ხატია  
ძამუკაშვილის და შმაგი  
ჯიმშერაშვილის ხელმძღვანელობთ -  
ქართული ცეკვებით. პროგრამის  
დასასრულს, უფროსი კლასის  
მოსწავლეებმა წაიკითხეს ემიგრანტი  
ქალბაზონების - ნანა ობოლაძისა და



ნანა მეტრეველის ლექსები ქართულ ანბანზე. პედაგოგის თამარ აფციაურის და მისი მოსწავლეების ინიციატივით, „დედაენის“ ზეიმი ტრადიციულად იქცევა ბერძნულ-ქართულ კულტურულ ცენტრში.

„ტიტუს ანდორონიკუსი“ სინეტიკის თეატრში

25 აპრილს, ქ. ვაშინგტონში, კოლუმბიის ოლქში, სინეტიკის თეატრმა შექსპირის ცნობილი ტრაგედიის „ტიტუს ანდორონიკუსის“ პრემიერა გამართა. „სინეტიკის თეატრი“ პაატა და ირინა ცეიფურიშვილებმა 2001 წელს დააფუძნეს. 2013 წელს კი - „საპატიო ვაშინგტონელებად“ დასახელდნენ. ისინი პირველი ქართველები არიან, რომლებმაც ამერიკის დედაქალაქის საპატიო მოქალაქის წოდება მიიღეს. პაატა თეატრის რეჟისორი და სამხატვრო ხელმძღვანელია, ირინა კი მთავარი ქორეოგრაფი.



აღსანიშნავია, რომ დიალოგების გარეშე (უსიტყვოდ) მხოლოდ შექსპირის პიესები იდგმება. თეატრს, ბოლო 15 წლის განმავლობაში, მიღებული აქვს ჰელენ ჰეიზის („თეატრალური ოსკარი“) 130 ნომინაცია და 38 პრემია. გაზეთები „ვაშინგონ პოსტი“, „ნიუ იორკ თაიმსი“ სისტემატიურად აშუქებენ მათ სპექტაკლებს და ყოველთვის აკეთებენ აქცენტს მათ ქართულ წარმომავლობაზე. 2013 წელს, დასი თბილისში გასტროლებზე იმყოფებოდა და რუსთაველის თეატრის დიდ სცენაზე თეატრმა გახმაურებული სპექტაკლი „სტამარ მასპინძელი“ და 2012 წლის

ამერიკული თეატრალური პრემიის, ჰელენ ჰეიზის 15 ნომინაციის და 4 პრემიის ლაურეატი - „მეფე ლიორი“ ჩარადგინა.

დასში, ამერიკელ ხელოვანებთან ერთად,  
ქართველი თანამემამულებიც არიან  
ჩართულნი: მხატვარი გოგი ალექსი-  
მესხიშვილი, კომპოზიტორი კოკი  
ლორთქიფანიძე, მსახიობები ირაკლი და ირინა  
კავსაძები, ვატო და ანა ციქურიშვილები.  
„სინეტიკი“ სინთეზური ხელოვნების თეატრია,  
სადაც მოძრაობა, ტექსტი, ვიზუალი, მუსიკა და  
ცეკვა შერწყმულია ერთ კომპოზიციაში.  
„სინეტიკის თეატრის“ სპექტაკლებმა თავისი  
ნოვატორული სტილით - უტექსტო, მაგრამ  
ემოციურად ძალზე დატვირთული შექსპირის  
წარმოდგენებით, ვაშინგტონში სახელი  
იმთავითვე გაითქვეს.





# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## ემიგრანტი მხატვრის პერსონალური გამოფენა მადრიდში

25 აპრილს, მადრიდში, გალერეაში *IBERMASION* გაიხსნა ქართველი მხატვრის ლიკა შხვაცაბაისა პერსონალური გამოფენა, რომლის დათვალიერების საშუალება მსურველებს მაისის ბოლომდე ექნებათ. თანამედროვე მხატვრობის მოყვარულები უკვე კარგად იცნობენ ქართველი ხელოვანის შემოქმედებას და ამჯერადაც დიდი ინტერესით ეწვივნენ ესპანეთის სამეფოს დედაქალაქის ერთ-ერთ პრესტიულ გალერეას. გამოფენის გახსნას დაესწრენ ხელოვნების სფეროს წარმომადგენლები სხვადასხვა ქვეყნებიდან, საქართველოს საელჩოს და მადრიდში აკრედიტირებული დიპლომატიური კორპუსის წარმომადგენლები. გამოფენაზე წარმოდგენილი იყო 25 ახალი ნამუშევარი, რომელთა შესახებ მოწვეულმა სტუმრებმა აღფრთოვანებით განაცხადეს - "ამ მხატვარმა ისევე გაუთქვა საქართველოს სახელი, როგორც ქართულმა ღვინომ."



Invitación a la presentación de la nueva obra de

**Lika Shkhvatsabaia**

reconocida pintora internacional de Tiflis, Primer Premio por la Mejor Pintura del año 2016 (Art Competition Tbilisi Town Hall) y con el Award For Achievement in Promotion of Georgian Culture 2017.

Nos hablará de nuevo con su particular lenguaje a través de potentes colores sobre su visión optimista de la vida y de su conexión con el mundo.

La nota musical la dará David Vardanov, artista cantante de Georgia de origen armenio.

Se ofrecerá un vino español con toque georgiano.

Miercoles 25 de abril, 2018  
19.00h

Se ruega confirmación:  
Ibermaison: 914.262.837  
Iris Reichel: 609.204.909

Ibermaison  
c/ Serrano 98, Madrid

www.ibermaison.com

email: madrid@ibermaison.com  
instagram: @ibermaison\_es  
facebook: ibermaison



## საქართველოს პირველი დემოკრატიული რესპუბლიკის დაარსების 100 წლის იუბილეს ფარგლებში, პროფესორ დავით ყოლბაიას საჯარო ლექცია გაიმართა

26 აპრილს, საგარეო საქმეთა სამინისტროსთან არსებულ ნატოსა და ევროკავშირის შესახებ საინფორმაციო ცენტრში გაიმართა ვარშავის უნივერსიტეტის ორიენტალისტიკის ფაკულტეტის კავკასიოლოგიური კვლევების ხელმძღვანელის, ისტორიის მეცნიერებათა დოქტორის და ქართველოლოგის, დავით ყოლბაიას საჯარო ლექცია თემაზე - ქართული ემიგრაცია პოლონეთში 1918-1939 წლებში.

დავით ყოლბაიამ მიმოიხილა საქართველოს პირველი დემოკრატიული რესპუბლიკის დაარსების, დამოუკიდებლობის აღიარების საკითხები და ისაუბრა ქართულ ემიგრაციაზე პოლონეთში. დავით ყოლბაიამ 1991 წელს დაარსა ქართული სამეცნიერო უურნალი „პრო გეორგია“, 2002 წელს საფუძველი ჩაუყარა ვარშავის წმ. გრიგოლ ფერაძის სახელობის კავკასიოლოგთა საერთაშორისო კონფერენციას; 2005 წელს დაარსა ვარშავის უნივერსიტეტის კავკასიოლოგიური კვლევების ცენტრი თბილისის სახელმწიფო უნივერსიტეტში. დაჯილდოვებულია ვარშავის უნივერსიტეტის რექტორის ჯილდოთი, ივანე ჯავახიშვილის სახელობის თბილისის სახელმწიფო უნივერსიტეტის ივანე ჯავახიშვილის მედლით და ღირსების ორდენით.



საიუბილეო თარიღის ფარგლებში, საგარეო საქმეთა სამინისტრო, სხვა უწყებებთან ერთად, აქტიურად არის ჩართული ქვეყნის მასშტაბით შემეცნებითი, კულტურული და საზოგადოებრივი აქტივობების ორგანიზებაში. საქართველოს პირველი დემოკრატიული რესპუბლიკის ისტორიის ამ მნიშვნელოვანი პერიოდის შესახებ ცნობადობის ამაღლების მიზნით, საგარეო უწყების ორგანიზებით, დემოკრატიული რესპუბლიკის თემატიკაზე დაგეგმილია საჯარო ლექციების, ისტორიული ფოტო გამოფენების, ღია კარის დღეებისა და სტუდენტური შეჯიბრების ჩატარება.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## „Madatart“ - ქართველი მხატვრები უოლ-სტრიტზე

ნიუ იორკში მოღვაწე არტ-კურატორი მარიტა დამენია, მესამე წელია, არტპრომოუშენ კომპანია Madatart-ს ხელმძღვანელობს და მანქეტენზე უკვე ოცზე მეტი გამოფენა მოაწყო. 27 აპრილს უოლ-სტრიტზე მდებარე მსოფლიო სავაჭრო ცენტრში World Trade Gallery მის მიერ გახსნილმა გამოფენამ - 'Into the Heart of the World' დიდი წარმატებით ჩაიარა. გამოფენილი იყო 17 ქართველი ხელოვანის ნამუშევრები.



გალერეას 30 წლიანი ისტორია აქვს და მას სმისების ოჯახის მეორე თაობა ხელმძღვანელობს. რაც შეეხება გამოფენას, წარმოდგენილი იყო ბევრი სხვადასხვა ტიპის ხელოვანის ნამუშევრები: მინანქარი - ნათია ბექაური, ანა ჯანუაშვილი და ეკატერინე აბესაძე; აქსესაურები - ანანო გოგიტიშვილი; თექა - ლალი ხარებავა; მხატვრები: მაკო ჯიმშელეიშვილი, ცირა ახობაძე, მაკა ბერაძე, ნინო ქურდაძე, ეკატერინე მერაბიშვილი, ნათია მაჭარაშილი, ნინო პატეიშვილი, ქეთევან მეზურნიშვილი, მერი შერვაშიძე, თინათინ გზირიშვილი; მოქანდაკე - პაპუნა დაბრუნდაშვილი; დიზაინერები - მარიამ კაპანაძე და სოლმაზ ფოოლადი.



## ფილმი „ექვთიმე ღვთისკაცი“ ნიდერლანდებში

26 აპრილს, ჰააგაში, საქართველოს საელჩოში, დიასპორის წარმომადგენლებისათვის ქართველი ხალხის ქველმოქმედებით შექმნილი მხატვრული ფილმის „ექვთიმე ღვთისკაცი“ ჩვენება გაიმართა. ისტორიულ ფაქტებზე დაფუძნებული ფილმი რეჟისორმა ნიკოლოზ ხომასურიძემ გადაიღო.

ჩვენების დაწყებამდე საქართველოს ელჩი კონსტანტინე სურგულაძე მიესალმა მოწვეულ სტუმრებს და აღნიშნა, რომ მნიშვნელოვანია ფილმის ქართული დიასპორისათვის ჩვენება, ვინაიდან მისი სიუჟეტი ქართული ემიგრაციის ცხოვრებასაც ეხმანება. ფილმში მოვლენები 1921-1945 წლებში ვითარდება, როდესაც ექვთიმე თაყაიშვილი ემიგრაციაში იმყოფებოდა.



კონსტანტინე სურგულაძემ ასევე აღნიშნა, რომ 2018 წელს საქართველოს რესპუბლიკის გამოცხადებიდან 100 წლის იუბილე აღინიშნება. ამდენად, მიმდინარე წელს საელჩოს მიერ ჩატარებული ღონისძიებები ამ ისტორიულ თარიღს მიეძღვნება. სპეციალურად ჩვენებისათვის მიწვეულმა

რეჟისორმა ნიკოლოზ ხომასურიძემ ფილმის, მისი პერსონაჟების, მსახიობების და გადაღების პროცესის შესახებ ისაუბრა. ღონისძიების დასასრულს საზეიმო მიღება გაიმართა.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## დიასპორის საკითხებზე ქართულ-იტალიური თანამშრომლობის ახალი ეტაპი

27 აპრილს, იტალიის რესპუბლიკის საგარეო საქმეთა სამინისტროში, გაიმართა დიასპორასთან ურთიერთობის დეპარტამენტის დირექტორის რატი ბრეგაძის, დეპარტამენტის თანამშრომლების, მიგრაციის სამთავრობო კომისიის და ICMPD-ის წარმომადგენლების შეხვედრა ბატონ ჯანი ბარდინისთან, Directorate General for Italian Citizens Abroad and Migration Policies – „მიგრაციის პოლიტიკისა და იტალიის მოქალაქეები საზღვარგარეთ“ გენერალური დირექტორატის წარმომადგენელთან და სხვადასხვა სექციის თანამშრომლებთან, რომლებიც კურირებენ მიგრაციის თემებს, მიგრაციის პოლიტიკას, ლტოლვილთა და თავშესაფარს მაძიებელთა, მოქალაქეობის საკითხებს, საზღვარგარეთ იტალიის მოქალაქეების დაცვას, განსაზღვრავს უცხოელთა და ეროვნულ უმცირესობათა საკითხების შიდა პოლიტიკის კოორდინაციას.



რატი ბრეგაძემ მადლობა გადაუხადა მასპინძლებს ინფორმაციის გაზიარებისთვის და მოკლედ გააცნო საქართველოს მთავრობის პოლიტიკა მიგრაციასთან და ქართულ დიასპორასთან ინსტიტუციონალური თანამშრომლობის პროგრამებთან მიმართებაში, მათ შორის - ICMPD-სთან თანამშრომლობით შექმნილი ლეგალური გზამკვლევის პროცესი, რომელიც უკვე წარმატებით განხორციელდა საბერძნეთის რესპუბლიკაში, ხოლო იტალიის საგარეო საქმეთა სამინისტროს მხრიდან თანხმობის შემთხვევაში, ანალოგიური გზამკვლევის შექმნა იტალიაში მცხოვრები 35-40 ათასამდე ქართველისათვის, დიდი დახმარება იქნებოდა მიმღები ქვეყნის კანონმდებლობის უკეთ გაცნობის, მათი უფლებებისა და მოვალეობების გაცნობიერების, საბოლოოდ კი მათი ინტეგრაციის პროცესისათვის. თავის მხრივ, ჯანი ბარდინიმ მზადყოფნა გამოთქვა ამ ახალი, დახმარე ინსტრუმენტის შემუშავებაში მონაწილეობის მისაღებად და აღნიშნა, რომ იტალიის დიასპორის გამოცდილება ამ მიმართულებითაც გამოსადეგი იქნება საქართველოსთვის და ქართული დიასპორისათვის.



საქართველოს დელეგაციის წევრები, ასევე, შეხვდნენ იტალიის რესპუბლიკის საგარეო საქმეთა სამინისტროს „მიგრაციის პოლიტიკისა და იტალიის მოქალაქეები საზღვარგარეთ“ გენერალური დირექტორატის სექციის - იტალიელები საზღვარგარეთ (Italians Abroad) ხელმძღვანელს, ჯოვანი დე ვიტას, რომელმაც ვრცლად ისაუბრა დიასპორასთან იტალიის ხელისუფლების თანამშრომლობის შესახებ, მათ შორის, მიგრაციის მონიტორინგში მთავრობის ჩაობაზე.

## შეთანხმება დიასპორული ორგანიზაციების განვითარების პროგრამის გაზიარების თაობაზე

27 აპრილს, ქართული დელეგაციის წევრები შეხვდნენ IOM-ის რეგიონული ოფისის თანამშრომლებს რომში. მისიის წარმომადგენელმა, სანდრა პაოლა ალვარესმა, საქართველოს



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

დელეგაციის წევრებს გააცნო რეგიონული ოფისის საქმიანობა, მოქმედი და განხორციელებული პროგრამები და სამომავლო გეგმები. განსაკუთრებული ინტერესი გამოიწვია ბიზნესის წარმოებისა და სტარტ-აპ პროექტების შესახებ ტრენინგების ორგანიზების საკითხებმა იტალიაში მყოფი იმიგრანტებისთვის. შეხვედრის დასასრულს, განხილულ იქნა თანამშრომლობის პერსპექტივები და მოხდა შეთანხმებადიასპორული ორგანიზაციების განვი თარების პროგრამების შესახებ გამოცდილების გაზიარების თაობაზე.



## სემინარი დიასპორის წარმომადგენლების მონაწილეობით

29 აპრილს, რომში, ICMPD-ის ორგანიზებით, ENIGMA- 2 პროექტის ფარგლებში, გაიმართა სემინარი, რომელზეც მიგრაციის პოლიტიკის განვითარების საერთაშორისო ცენტრის მიერ მოწვეული თანამემამულები მონაწილებდნენ. სემინარის მონაწილეებს მიესალმნენ ICMPD-ის თბილისის რეგიონული ოფისის წარმომადგენელი, ქეთევან გორგოშიძე და ვენის ოფისის წარმომადგენელი, მაგდა საბადელო, რომელმაც ყურადღება გაამახვილა ევროკავშირსა და საქართველოს შორის მობილობისა და ხალხთა შორის კავშირ-ურთიერთობების გაძლიერების მნიშვნელობაზე, პროექტის ENIGMA-2 კვლევის მიზნებზე და ფოკუს ჯგუფების დანიშნულებაზე, სასემინარო მუშაობის ფორმატში.



ფოკუს ჯგუფებში დიასპორის წარმომადგენლების მუშაობის შედეგად, მიღებული იქნა შემდეგი რეკომენდაციები: სტაჟისა და საპენსიო მომსახურების პრობლემების გადაჭრა, დიპლომების აღიარება და პროცედურების დაჩქარება; მართვის მოწმობების ლეგალიზების პრობლემატიკა; პულიის რეგიონში საკონსულო მომსახურების დაწესება ემიგრანტებისთვის და საქართველოს მოქალაქეებისათვის; კულტურული, სპორტული და საგანმანათლებლო ღონისძიებების დაფინანსება საქართველოს მხრიდან; ტურიზმის, ქართული ღვინისა და კულინარიის პოპულარიზაციის პროექტების განხორციელება და ა.შ.





# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

განსაკუთრებული ყურადღება დაეთმო საკვირაო სკოლებს და ბიბლიოთეკებს - მათი ახალი სახელმძღვანელოებით და მხატვრული თუ საბავშვო ლიტერატურით მომარაგებას. ასევე, კვლავ აქტუალურია ანსამბლებისთვის ეროვნული სამოსის და ინსტრუმენტების მიწოდება, ჯანდაცვის სისტემის ხელმისაწვდომობის მიუხედავად, სამედიცინო კონსულტაციების, განსაკუთრებით კი ფსიქოლოგების სერვისის მიწოდება ემიგრანტებისთვის და იტალიის რესპუბლიკის კანონმდებლობაზე დაფუძნებული ლეგალური გზამკვლევის მომზადება, რომელიც ელექტრონულ ფორმატში მიეწოდება თანამემამულებებს.

სემინარის ფორმატში დიასპორული ორგანიზაციების წარმომადგენლებთან მუშაობამ ნაყოფიერი შედეგი გამოიღო, რაც ხაზგასმით აღნიშნეს ICMPD-ის წარმომადგენლებმა და ღონისძიებაზე მოწვეულმა თანამემამულებმა.



რატი ბრეგაძემ მადლობა გადაუხადა იტალიის რესპუბლიკაში საქართველოს საელჩოს, ICMPD-ის და დიასპორული ორგანიზაციების წამომადგენლებს ნაყოფიერი თანამშრომლობისა და საინტერესო დისკუსიისთვის, რომელმაც კიდევ ერთხელ გამოკვეთა ერთობლივი და პრიორიტეტული მიზნები - ეროვნული თვითმყოფადობის შენარჩუნება ქართულ დიასპორაში, სახალხო დიპლომატიის გააქტიურება და იტალიის საზოგადოებაში თანამემამულების ინტეგრაციის პროცესში ხელშეწყობა.

## საქველმოქმედო ღონისძიება ქ. მაინცში

28 აპრილს, ქ. მაინცში, მაინის ფრანკფურტის საკვირაო სკოლის მასწავლებლის, მზია წილაურის ორგანიზებით, საქველმოქმედო საღამო გაიმართა, რომელშიც მონაწილეობდნენ ქ. მაინის ფრანკფურტში მოქმედი მგალობელთა გუნდი და მოცეკვავეთა ანსამბლი „კავკასიადა“, ქ. ვისბადენის საოპერო თეატრის სოლისტი ეკატერინე ქურიძე, კლასიკური გიტარის სოლისტები ნიკა და დავით კვარაცხელიები. წარმოდგენილი იყო პრეზენტაციები ქართული ენის და დამწერლობის, საეკლესიო არქიტექტურის, ეროვნული სამოსის, ქართული სამზარეულოს და ღვინის შესახებ.



საქველმოქმედო ღონისძიების ფარგლებში შემოსული თანხა მოხმარდება ქ. თბილისში არსებული ლომისის წმინდა გიორგის ქალთა და ბავშვთა თავმშესაფარს.

ღონისძიებას ესწრებოდნენ დიასპორის და ქ. მაინის ფრანკფურტში საქართველოს გენერალური საკონსულოს წარმომადგენლები.



# აპრილის დიასპორული საინფორმაციო ბიულეტენი

საქართველოს საგარეო საქმეთა სამინისტრო

## დიასპორის დღისადმი მიძღვნილი ფორუმი თბილისში

27 მაისს, თბილისში, სასტუმრო „ბილტმორში“ გაიხსნება დიასპორის ფორუმი, რომელიც მიზნად ისახავს სახელმწიფოსა და დიასპორას შორის კავშირებისა და თანამშრომლობის გაღრმავებას, საქართველოს სახელმწიფოს მიერ ქართული დიასპორის მიმართ შემუშავებული ახალი სტრატეგიის ფართო აუდიტორიისათვის გაცნობას, დიასპორის მიმართ განხორციელებული სახელმწიფო პოლიტიკის მნიშვნელოვანი მიღწევების აღნიშვნას და, იმავდროულად, დიასპორის წინაშე არსებულ გამოწვევებზე მსჯელობას, ერთობლივი გზების დასახვას თანამემამულების ცოდნის, პროფესიული გამოცდილებისა და პოტენციალის ქვეყნის სასიკეთოდ გამოყენებისა და საქართველოს განვითარებაში დიასპორის ჩართულობის უზრუნველსაყოფად.

ფორუმზე მოწვეულ მონაწილეებს შორის იქნებიან საზღვარგარეთ მოქმედი სათვისტომოების და ორგანიზაციების ხელმძღვანელები, სხვადასხვა პროფესიულ სფეროში მოღვაწე თანამემამულები, საქართველოს პირველი დემოკრატიული რესპუბლიკის მთავრობის წევრების შთამომავლები, ხელისუფლების, კერძო სექტორის, აკადემიური წრეების, საერთაშორისო და არასამთავრობო ორგანიზაციების წარმომადგენლები.



ფორუმის ოფიციალური გახსნის ცერემონიის შემდეგ, გაიმართება თემატური სესიები შემდეგ სფეროებზე: განათლება, კულტურა, მედია და სახალხო დიპლომატია, ბიზნესი და ეკონომიკა. თითოეულ თემატურ ჯგუფში მომხსენებლები დამსწრე საზოგადოების წინაშე სიტყვით წარსდგებიან და ფორუმის მონაწილეებს თავიანთ საქმიანობას და გამოცდილებას გააცნობენ. ადსანიშნავია, რომ თემატურ ჯგუფებში განხილული საკითხები და მოსაზრებები სამინისტროს სამომავლო გეგმებში, იმ პროგრამებსა და პროექტებში აისახება, რომლებიც დიასპორასთან მიმართებით სამომავლოდ განხორციელდება. დიასპორის დღისადმი მიძღვნილ ღონისძიებებში მონაწილეობის მისაღებად, გთხოვთ შეავსოთ ელექტრონული სარეგისტრაციო ფორმა: <https://bit.ly/2HrtUMh>

### დიასპორასთან ურთიერთობის

#### დეპარტამენტი

შ. ჩიტაძის ქ. 4

თბილისი, 0118

ტელ:

(+995 32) 2945000

ფაქს:

(+995 32) 2945001

ელ. ფოსტა

[diaspora@mfa.gov.ge](mailto:diaspora@mfa.gov.ge)



[/mfageorgia/](https://www.facebook.com/mfageorgia/)



[@MFAGeorgie  
\[/janelidzeMkh\]\(https://twitter.com/janelidzeMkh\)](https://twitter.com/MFAGeorgie)



[/MFA Geo](https://www.youtube.com/MFA_Geo)

[www.mfa.gov.ge](http://www.mfa.gov.ge)